

آبونه اولمق ايستينلر دائره عدليه ده
اداره مخصوصه سنه مراجعت
ايتلدر .

اعلانك بهرندن بر مجديه اخذ
ايديلور

نسخه سي ۴۰ پاره در

فكر ديك محكمه عليشه

سنه لکي در سعادت ايجون مجديه
يکرمي غروش حسابيله الشمس
غروشدر

طشره ايجون پوسته اجرتي اوله رق
اون بش غروش ضم اولنور

نسخه سي ۴۰ پاره در

هفته ده ايکي دفعه جمعه ايرتسي و چهارشنبه کونلري نشر اولنور . محتوياتي امور عدليه به متعلقدر

توبيخات

ارضروم ولايتي مرکز بدایت محکمه سي حقوق
دائره سي رياستي يانیه ولايتي مرکز بدایت محکمه سي
جزا دائره سي رئيسي اسماعيل افندي به
يانیه ولايتي مرکز بدایت محکمه سي جزا دائره سي
رياستي طربزون ولايتي مرکز بدایت محکمه سي
مدعي عمومي معاوني فتوتلو توفيق افندي به
طربزون ولايتي مرکز بدایت محکمه سي مدعي
عمومي معاونلکي سيواس ولايتي مرکز بدایت
محکمه سي مدعي عمومي معاوني رفعتلو شوکت
افندي به
سيواس ولايتي مرکز بدایت محکمه سي مدعي
عمومي معاونلکي ارغني سنجاني بدایت محکمه سي
جزا دائره سي رئيسي فتوتلو سليمان فائق افندي به
ارغني سنجاني بدایت محکمه سي جزا دائره سي
رياستي چوروم سنجاني بدایت محکمه سي جزا
دائره سي رئيسي عزتلو عبدالحليم افندي به
چوروم سنجاني بدایت محکمه سي جزا دائره سي
رياستي نيکده سنجاني بدایت محکمه سي جزا
دائره سي رئيس سابق صادق افندي به تفويض بيورلش
ومومي الهم ذاتا محلف بولنشدر .

تغبيز و تحویل

سنيچه سنجاني بدایت محکمه سي مستنطقلکيه
مکتب حقوق شاهانه ماذونلرندن مصطفى منير
افندي
آيدین ولايتي مرکز بدایت محکمه سي مقاولات
محورلکيه محکمه مذکوره مستنطق اسماعيل فرح
افندي
آيدین ولايتي مرکز بدایت محکمه سي مستنطقلکيه
بنغازي سنجاني بدایت محکمه سي مستنطق سابق
عباس افندي
قرهجه آباد قضاسي بدایت محکمه سي اعضالغنه

دعوی وکیلرندن آورامیدی افندی تعیین
اولنشدر .

تبلیغات

۶۶۴ نومرولی نسخه ده مندرج اموال ایتام
نظامنامه سنک مابعدی :

اوتوز یدنجی ماده میزله سکمان وسکسان
برنجی ماده لرده بیان اولندی وجهه در سعادت
وطشره محاکم شرعیه سنندن ورود ایدیه جک اجمال
ترکات دفترلریله سال محاسبه دفترلرینی تدقیق ودفاتر
مخصوصه سنه قید ومحاسبه جی طرفندن ویریه جک
تعلیمات اوزرینه حرکت ایدیه جکلدر .

اوتوز سکرنجی ماده سر تحصیلدار ایله معیتده
بولنان تحصیلدارلر مواد سابقه احکامنه توفیقاً تحصیل
کندولرینه حواله اولنان اقله لری وقت وزمانیه
بالتحصیل ایتام قاصه سنه تسلیمه غیرت و اقدام
ایله جکلدر بولنر ایفای وظیفه ده برکونه مشکلاته
نصادف ایدوبده تسویه مصلحت ویا تحصیلات تأخر
ایدیه جک اولور ایله ایتام مدیرینه رسماً اخبار ایدیه رک
مدیر یجه دخی بامذکره ایجابی اجرا قلنه جقدر .

اوتوز طقوزنجی ماده تخمین رهن ویریه جک
منقولاتی تخمین ایدیه جک واولیابده تنظیم ایدیه جکی
تخمین پوصله سیله ایتام مدیرینه ارائه ایله جک وائنانی
تخمینده فسادی تحقق ایدرایسه ترتب ایله جک ضرر
وزیان تخمین تضمین ایتدیرلکدن صوکره حقنده لازم
کلان معامله قانونیه ایفا اولنه جقدر .

قرقنجی ماده اموال ایتامدن هر نه صورته
اولور ایسه اولسون تأدیه سی لازم کلان مبالغ حقنده
ایتام مدیری دخی حاضر اولدینی حالده ایتام مجلسلرنجه
بالمذاکره معامله لازمه اجرا اولنور .

قرق برنجی ماده ایتام مدیری ایله معیتده
بولنان مأمورین وکته وخدمه ایام رسمیه تعطیلیه دن
ماعداً هر کون الی ساعت محل مأموریتلرنده بولنغه
مجبوردرلر .

قرق ایکنجی ماده ایتام مدیری ایله معیتده
بولنان مأمورین وسائر معاشات مخصصه لرینی اوتنجی
فصلده بیان اولدینی وجهه تخصیص اولنان وارداتدن
اخذواستیفایله جکلر وواردات معاشاته کفایت
ایتمدیکی صورته بینلرنده غرامه تقسیم اولنه جق
وواردات فضله اولدینی حالده نقصان قالان شهرور
معاشاتی اکمال اولنمق اوزره حفظ اولنه جقدر
ومصارفات متفرقه وقرطاسیه واردات مذکوره دن
تسویه ایدیه جکلدر .

اوچنجی فصل

اموال ایتامک کیفیت ادا نه سیله نماوراس المال
واجورات وسائر نهک صورت تحصیلنه دائردر

قرق اوچنجی ماده اموال ایتام ايجون الزام
اولنان نملر مداینات عمومیه ده حالا واستقبالا
قرار کیر اولمش واوله جق مقداره تابعدر .

قرق دردنجی ماده اموال ایتامدن استدانه
ایدیه جک اولانلر کندو ماللری اولان مجوهرات
واوانی سیموزر ایله املاک صرفه یی ترهین وتجار ایله
اخذواعطاسی اولان واولیمان نظاملی وقف کدک
وتوسیع انتقالی اجرا ایدلش وقف عقاروبعدالوفات
تأمین دین ایدن اراضی امیریه وتخصیصات قیلندن
اولان اراضی موقوفه کبی عهدهلرنده کی مسقفات
ومستغلاتی وفاق فراغ ایله استدانه ایدیه جکاری مبلغی
تأمین ایتدیکری حالده بلا کفیل ادا نه معامله سی اجرا
اولنور . فقط ایتامک اولیا و اوصیاسی اولوبده ولی
ووصیلری اولدقلری یتیمک مالندن استدانه ایدیه جک
اولانلره نهایت اون بیک غروشه وبولنرک غیري
اموال ایتامدن استدانه ایدیه جکلره انحق بشبیک
غروشه قدر یالکز اویچ نفر معتبر ومصدق کفیل ایله
رهنسر اچه اقراضی جائزدر کفیللرک کفالت
نظامنامه سی احکامنه توفیقاً اقتدار مالیلری حقنده
تنظیم اولنه جق مطبوع کفالتنامه در سعادتده ایتام

٨٠٣٠ اوچيوز يكرمي بر سنه سندن مدور اعلامات
٧٨٦ اوچيوز يكرمي ايكي سنه سنده كلان »
٨٨١٦
٥٠٧ اوچيوز يكرمي ايكي سنه سنده حكمي تماماً
اجرا قلنان اعلامات
٨٣٠٩ اوچيوز يكرمي اوچ سنه سنه دور اولنان
اعلامات

٨٣٠٩ اوچيوز يكرمي ايكي سنه سندن مدور اعلامات
٨٢٠ اوچيوز يكرمي اوچ سنه سنده كلان »
٩١٢٩
١٤١ اوچيوز يكرمي اوچ سنه سنده حكمي تماماً
اجرا قلنان اعلامات
٨٩٨٨ اوچيوز يكرمي درت سنه سنه دور اولنان
اعلامات

در سعادت بدایت محكمه سی مقاولات محرر لکی
دائرة سنك اوچ سنه لك ایستاتستیق جدولی
خلاصه سیدر :
٧٦٦٠ اوچيوز يكرمي بر سنه سی ظرفنده ورودایدن
٧٦٦٠ سنه مرقومه ظرفنده معاملاتی تمام اولنان
..

٦٤٨٤ اوچيوز يكرمي ايكي سنه سی ظرفنده ورود
ایدن اوراق
٦٤٨٤ سنه مذکوره ظرفنده معاملاتی تمام اولنان
..

٨٤٩٤ اوچيوز يكرمي اوچ سنه سی ظرفنده ورودایدن
٨٤٩٤ سنه مذکوره ظرفنده معاملاتی تمام اولنان
..

مُجَازَاتُ اَنْتِبَاهِيَّة

باند رمة قضاسی بدایت محكمه سی اعضای
سابقه سندن قسطی افندیك خلاف اصول وقانون
معاملاتندن طولانی دیگر رفقاسی ایله برلکده اوله رق
حقنده علی الاصول تعقیبات قانونیه اجراسی خصوصه
عدلیه نظارت جلیله سنجه ماذونیت ویریه رك مذکور
مدعی عمومیلکه تبلیغات مقتضیه اجرا ایدلمشدر .

اَعْلَانَات

در سعادت استیفاف مدعی عمر میلیک مأثوریت بره سنده
اوچيوز يكرمي اوچ سنه سی اغستوسنك اوچنجی
کونی کوچك چکمه جه قضاسنك آياورکی قریه سنده
چوبان واسیلی جرح و قتل ایلدیکی ادعاسیله متهم بولنان
ومقدما مذکور قریه ده چوباللق ایتکده ایکن فرار
ایدن اورته بویلی ، صاری بکزیلی ، قمرال قاش
وصایح و تربیقلی ، اورته وجودلی تخمیناً اون سکر

يكرمي ياشلرنده يورکی ولد استاوری حقنده اصول محاکمات
جزائیة قانوننك اوچيوز یتش برنجی ماده سی موجبجه
معامله مقتضیه ایفا و محاکمه غیایه سی بالا اجرا
نتیجه سنده مرقومك بالنازعه واسیلی جرح و قتل ایلدیکی
ثابت اوله رق قانون جزائک یوز یتش دردنجی ماده سنه
توفیقاً اون بش سنه مدته کورکه قونل سنه و او توز
برنجی ماده قانونیه منطوقجه حقوق مدنی دن اسقاطیله
اموال محجوزه سنك اداره ایتدیرلمسنه محکمه جنایتدن
حکم اولمش و اصول محاکمات جزائیة قانوننك
اوچيوز یتش بدنجی و اوچيوز یتش سکرنجی و اوچيوز
سکسان برنجی ماده لریله مواد سائرہ سی احکامنه توفیق
معامله اولمشی مرجعه بیلدیرلمش اولغله مذکور
اوچيوز یتش سکرنجی ماده نك جمله احکامندن اولدیغی
اوزره اعلان کیفیتہ ابتدار قلندی .

در سعادت بدایت محكمه سی ایکنجی مقروم دأره سنده :

حسن پاشا خانی او طه باشیسی وارطان ولد آغوبك
اقدمجه قوسقه ده قزل طاش محله سنده ساکن ایکن
اليوم اقامتکاهی مجهول بولندیغی ادعا اولنان فضل پاشا
علیه در سعادت بدایت محكمه سی ایکنجی حقوق
دائرة سنجه مذکور خانه کاش ایکی باب او طه بدل
ایجارندن جمعا يكرمي درتیک غروش آله جفنگ
تحصیلی حقنده اقامه ایلدیکی دعوان طولانی تنظیم
وارسال اولنان ورقه دعوتیه به محله سندن
تحریر ایدیلان شرحده محله مذکوره ده اونامده
کیمسه بولمادیغنگ بیان ایدلمسی اوزرینه مدعی
مرقوم وارطان تبلیغات قانونیه نك اعلاناً اجراسی
طلب ایتش وطاب واقع اصول محاکمه حقوقیه
قانوننك يكرمي التتجی ماده سنه توفیقاً موافق کوریه رك
بوابده کی استدعا صورتیله ورقه دعوتیه محكمه
دیوانخانه سنه تعلیق ایدلمکه برابر سنه حالیة شهر
نیساننك او توزنجی چهارشنبه کونی یوم محاکمه اولمق
اوزره تعیین قلنمش ایدوکنندن مومی الیهک یوم
مذکوره بالذات محكمه یه کلیسی لازم کلوب شاید کلز
ویاطرندن مصدق سنده بروکیل کوند مزایسه مدعینك
طلیله دعوانك وکیل مسخر مواجهه سنده عن الغیاب
رؤیت ایدیله جکنك اعلانه ابتدار اولندی .

بجارت بحربه محكمه سنده

افلاسنه قرار ویرلمش اولان القاهی ولوی شرکته
عائد اولوب اسکچه دن جلب اوله رق در سعادتده
محمود پاشا جوارنده چورابجی خانی دروننده بولنان
اموال تجاریه نك کرک طوپدن و کرک براکنده اوله رق
بالزیاده فروختی مقرر اولدیغندن اشترايه طالب

اولانلرك ٣٢٤ سنه سی مارتنك يكرمي التتجی
چهارشنبه کونندن اعتباراً هر کون ساعت ایکی بچقدن
التي به قدر وجمعه وپازار کونلری دخی ساعت اوچدن
طقوزه قدر محل مذکوره حاضر بولنلری اعلان
اولنور .

ایکنجی بجات محكمه سنده :

اسکدارده قره جه احمد جاده سنده دکاننده مقیم
واموال بقالیه تجارتیه مشتغل یازلامه جی اوغلی
صرافیمك ٢٠ مارت سنه ٣٢٤ تاریخندن اعتباراً
اعلان افلاسنه و مصالح افلاسیه نك رؤیت و تسویه سی
ضمننده اعضای محكمه دن رفعتلو یاققو افندیك
ژورقومیسر و دعوی وکیللرندن احمد مختار بکك
موقت سنديك تعیینلرینه و مغازه سیله اشیا زائده
بیته سنك تمهیرینه و اوراق و دفاترینك جلبنه و کفالت
مصدقہ ارئه ایدمیدیکی تقدیرده حبس و توقیفنه
وبوابده کی قرارك موقتاً اجراسنه ایکنجی تجارت
محكمه سنجه قرار ویرلمش اولدیغندن قانوننامه تجارتك
١٧٠ نجی ماده سی موجبجه دائمی سنديكلر انتخاب
اولمق اوزره اشبو ٣٢٤ سنه سی نیساننك بشنجی
جمعه ایرتسی کونی ساعت یدی راده لرنده اصحاب
مطلوبك محكمه مذکوره نك مصالح افلاسیه رؤیت
مخصوص او طه سنه کلری اعلان اولنور .

در سعادت اعمومات نظامه اجرا دأره سنده :

لوسیة منیره خاتمك شیشیلیده حضور زقاغنده
١٣ نومرولی خانه ده مقیم ایکن اليوم اقامتکاهی
مجهول دیون عمومیه عثمانیه مفتشلرندن فتح اه افندی
منصور ذمتده آله جنی اولان اوچيوز طقسان عدد
لیرای عثمانینك مع فائض و مصارف محاکمه تحصیلی
ایچون عهدۀ تصرفنده بولنان قری قریه سنده شیشیلیده
حضور زقاغنده ١١ نومرولی و تخمیناً سکر یوز
اون التي آرشون واسکندر اوغلی زقاغنده ٦
نومرولی تخمیناً سکر یوز اون التي آرشون ایکی قطعه
عرصه جز آلتنه آلدیرلمش ایسه ده بوکره فروختی داینه
طرفندن طلب ایدلیدیکنندن تاریخ اعلاندن اعتباراً
سکر کون ظرفنده دائرة اجرایه مراجعتله دینی
تسویه ایتسی و عکس حالده مدت مذکوره ختامنده
مذکور ایکی قطعه عرصه نك فروخته تشبث اوانه جنی
در سعادت اعلامات نظامیه اجرا دائرة سندن ایکنجی
اخبارنامه مقامنه قائم اولمق اوزره اعلان اولنور .